

Na osnovu člana 30. i 57. Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj: 1/26) i Odluke o kriterijima i postupku dodjele sredstava odobrenih u Budžetu Unsko-sanskog kantona putem Kantonalne uprave civilne zaštite – Kapitalni grantovi neprofitnim organizacijama, broj: 03-02-44-578/2026 od 6.5.2026. godine, Kantonalna uprava civilne zaštite Unsko - sanskog kantona o b j a v l j u j e:

JAVNI POZIV

za dodjelu sredstava iz oblasti vatrogastva za projekte dobrovoljnih vatrogasnih društava

I. - PREDMET JAVNOG POZIVA

Predmet Javnog poziva za dodjelu sredstava iz oblasti vatrogastva za projekte dobrovoljnih vatrogasnih društava (u daljem tekstu: Javni poziv) je sufinansiranje projekata kupovine zemljišta za izgradnju vatrogasnog doma i projekata izgradnje vatrogasnog doma dobrovoljnih vatrogasnih društava (u daljem tekstu: DVD).

II. - USLOVI UČEŠĆA

Pravo učešća

Pravo učešća na Javnom pozivu imaju DVD formirana na području Unsko-sanskog kantona (u daljem tekstu: Kanton).

Finansijska sredstva

Maksimalna vrijednost sufinansiranja u okviru ovog Javnog poziva po svim projektima/zahjevima iznosi **30.000,00 KM**.

Broj prijavljenih zahtjeva

Podnositelj zahtjeva (u daljem tekstu: aplikant) može dostaviti samo jedan projektni zahtjev u okviru ovog Javnog poziva.

Opći kriteriji

Za dodjelu sredstava primjenjuju se sljedeći kriteriji:

- a) da je DVD upisano u Registar udruženja,
- b) da je DVD osnovalo dobrovoljnu vatrogasnu jedinicu u skladu sa planom zaštite od požara,
- c) da je DVD donijelo program rada za tekuću godinu,
- d) da je DVD donijelo finansijski plan za tekuću godinu i izvještaj za prethodnu godinu,
- e) da je DVD registrovano kao porezni obveznik,

- f) da je DVD izmirilo obaveze po osnovu poreza i doprinosa,
- g) da je DVD planiralo vlastita sredstva za realizaciju projekta.

Posebni kriteriji

Aplikanti koji ispunjavaju opće kriterije rangiraće se prema posebnim kriterijima i to:

- a) ako su planirana vlastita sredstva za realizaciju projekta:
 - 1) veća od 30% od ukupne vrijednosti projekta - pet bodova,
 - 2) između 10% i 30% od ukupne vrijednosti projekta - tri boda,
 - 3) manja od 10% od ukupne vrijednosti projekta - dva boda.
- b) ako je projekat:
 - 1) ukupne vrijednosti do 10.000,00 KM - jedan bod,
 - 2) ukupne vrijednosti od 10.000,00 - 25.000,00 KM - dva boda,
 - 3) ukupne vrijednosti od 25.000,00 - 50.000,00 KM - tri boda,
 - 4) ukupne vrijednosti preko 50.000,00 KM - četiri boda.

Dokumentacija koja se treba dostaviti prilikom prijave projekta

Prijava za dodjelu sredstava podnosi se na posebnom prijavnim obrazcu koji se preuzima sa web stranice Kantonalne uprave civilne zaštite (u daljem tekstu: Uprava), www.czusk.ba, ovjerenom i potpisanom od strane odgovorne osobe.

Uz prijavni obrazac, aplikanti su dužni dostaviti dokumentaciju kojom dokazuju ispunjavanje općih i posebnih uslova (u originalu ili ovjerenom kopiji – ovjera ne smije biti starija od 3 mjeseca) i to:

- a) rješenje o upisu u Registar udruženja,
- b) odluke nadležnog organa o osnivanju dobrovoljne vatrogasne jedinice, ličnu i materijalnu formaciju jedinice,
- c) program rada udruženja,
- d) finansijski plan za tekuću godinu,
- e) finansijski izvještaj za prethodnu godinu,
- f) uvjerenje o poreznoj registraciji,
- h) uvjerenje o izmirenim obavezama po osnovu poreza i doprinosa,
- i) dokaz o raspolaganju vlastitim sredstvima, odnosno izvod o stanju sredstava na transakcijskom računu otvorenom kod ovlaštene finansijske institucije.

Kriteriji isključenja

Neće se uzeti u dalje razmatranje prijave aplikanta dostavljene po Javnom pozivu:

- a) koje su neblagovremene (dostavljene nakon isteka roka određenog Javnim pozivom);
- b) koje ne sadrže kompletnu dokumentaciju koja se traži Javnim pozivom;
- c) koje prijavu projektnog prijedloga sa dokumentacijom ne dostave u zatvorenoj koverti sa naznakom „Prijava na Javni poziv....- NE OTVARAJ“;
- d) koji ne dostave projekat ovjeren i potpisan od strane podnosioca, i to na propisanom obrascu;
- e) koji dostave projekte usmjerene na aktivnosti suprotno onim koje su određene u

- Javnom pozivu;
- f) koji dostave više od jednog projektnog prijedloga;
 - h) ukoliko se podaci iz dostavljene dokumentacije ne slažu sa dostavljenim projektnim prijedlogom i/ili budžetom projekta.

III. - NAČIN I ROK ZA PODNOŠENJE PRIJAVA

Prijave sa potrebnom dokumentacijom dostavljaju se neposredno na protokol Vlade Unsko-sanskog kantona ili preporučeno putem pošte, na adresu :

KANTONALNA UPRAVA CIVILNE ZAŠTITE,

ul. Alije Đerzeleza br. 2, 77 000 Bihać,

s naznakom:

„Prijava na Javni poziv za dodjelu sredstava iz oblasti vatrogastva za projekte dobrovoljnih vatrogasnih društava“

- **NE OTVARAJ** -

Na poleđini koverta obavezno napisati naziv podnosioca prijave i adresu.

Rok za podnošenje prijave na Javni poziv je 8 dana od dana objave na web stranici Uprave. Neće se uzimati u razmatranje prijave koje su dostavljene nakon isteka roka određenog Javnim pozivom (neblagovremene).

Prijave koje su pristigle u traženom roku, ali koje nisu kompletno popunjene i koje ne sadrže traženu dokumentaciju, bit će odbačene i neće biti predmet razmatranja.

Prijave dostavljene nakon isteka utvrđenog roka vraćaju se aplikantu neotvorene, a sve ostale prijave zajedno sa pratećom dokumentacijom ne vraćaju se aplikantu.

IV.- OCJENA PRIJAVA

Prijave pristigle na Javni poziv razmatra Komisija od 3 člana, koju rješenjem imenuje direktor Uprave. Komisija vrši:

- a) analizu ispunjenosti formalno - pravnih uslova dostavljenih prijava u skladu sa Javnim pozivom, odnosno provjeru blagovremenosti prijava i kompletnosti dokumentacije dostavljenih prijava,
- b) provodi postupak bodovanja prijava koje ispunjavaju formalno - pravne uslove i izrađuje izvještaj o provedenom postupku po Javnom pozivu za dodjelu sredstava sa prijedlogom liste uspješnih projekata, kojeg putem protokola dostavlja direktoru Uprave.

Broj bodova koji čini ukupnu ocjenu projektnog prijedloga sastoji se od zbira pojedinačnih bodova utvrđenih u posebnim kriterijima.

Pri razmatranju projektnih prijedloga Komisija zadržava pravo zatražiti dodatna pojašnjenja o projektu od aplikanta.

V. - OBAVJEŠTENJE O DISKVALIFIKACIJI, PRIGOVOR I UTVRĐIVANJE KONAČNE LISTE USPJEŠNIH PROJEKATA

Aplikanti koji ne ispunjavaju formalno-pravne uslove i ne nalaze se na predloženoj listi uspješnih projekata za sufinansiranje, biće o tome pisano obaviješteni od strane Komisije.

Protiv navedene obavijesti aplikanti mogu podnijeti prigovor Upravi u roku od 3 dana od dana prijema obavijesti. O prigovoru odlučuje direktor. Odluka o prigovoru je konačna.

Nakon dostavljenog izvještaja Komisije sa prijedlogom liste uspješnih projekata, direktor utvrđuje konačnu rang listu projekata odabranih za sufinansiranje, koja se objavljuje na web stranici Uprave, www.czusk.ba.

Kriterij za utvrđivanje konačne rang liste projekata je ostvareni broj bodova na Javnom pozivu i iznos raspoloživih sredstava za sufinansiranje.

VI. - ZAKLJUČENJE UGOVORA I NADZOR NAD KORIŠTENJEM SREDSTAVA

Sa aplikantima čije prijave budu odobrene za sufinansiranje zaključit će se ugovor kojim će se urediti uslovi i način korištenja dodijeljenih sredstava, način praćenja namjenskog korištenja dodijeljenih sredstava, dokumentacija koju je aplikant kao korisnik sredstava obavezan dostaviti Upravi, rok važenja ugovora, te ostala međusobna prava i obaveze korisnika sredstava i Uprave.

Dodijeljenja sredstva, po usvajanju Programa utroška od strane Vlade Unsko-sanskog kantona doznačavaju se na račune korisnika.

VII. - OPĆE ODREDBE

Za sve dodatne informacije zainteresirana lica mogu se, prije zatvaranja Javnog poziva, obratiti Upravi putem telefona broj: 037/307-938 ili upit poslati na e-mail: czbihac@bih.net.ba.

Prijavni obrazac za dodjelu sredstava po ovoj Javnom pozivu nalazi se na web stranici Uprave, www.czusk.ba.

Broj: 15-11-9-5551- 4 /26
Bihać, 14.5.2026.godine

